



UNIVERSITÄTS-  
BIBLIOTHEK  
PADERBORN

**Cogitationes, Sive Considerationes Christianae Pro  
singulis Anni diebus**

Complectens Januarium, Februarium, Martium

**Nepveu, François**

**Monachii, 1709**

Dies 24. De motivis humilitatis.

---

[urn:nbn:de:hbz:466:1-60495](https://nbn-resolving.de/urn:nbn:de:hbz:466:1-60495)

Sit tibi via ille , qui tibi pro te factus est Martius.  
via, ut te perducat ad se , per se. Aug. in  
Psalm. 90.

---

## DIES XXIV.

### De motivis Humilitatis.

#### I.

**G**randia invenimus , submissè nos gerendi incitamenta , sive præterita , sive futura spectemus. Ad præterita quod attinet , quænam est origo nostra ? nihilum, è quo eruti fuimus, peccatum, in quo concepti fuimus : sed id , quod majorem nobis demissionis ansam præbet , est peccatorum , quæ commisimus , multitudo. Peccavi. Heu me ! ingens sanè me deprimendi causa! infinitam Dei Majestatem contempsi ; an non propterea contemptu infinito dignus sum ? peccavi itaque , infernum promeritus sum; contemptus , & horroris omnium Creaturarum, opprobrij, & ludibrij dæmonum scopus esse deberem. Et superbire audeo ? peccavi ; certum est , me plura peccata mortifera perpetrâsse: sed , an ea mihi remissa sint , ignoro : dubitare non possum, quin inferorum tormenta fuerim meritus ; sed ignoro , an non ea etiam in-

R 3

num

**Martius.**

num merear. Quid terribilis? quid ad arrogantiā meā frangendā aptius? quænam superbia obsistere huic cogitationi potest? mea, Domine; nisi me tuis gratijs, & quidem potentibus ad eam superandam adjuves.

II. Si præsentia consideremus, ingentes nos demittendi causas, potentia humilitatis motiva invenimus in eo, quod in nobis ipsis sentimus. Eheu! quid sentimus, quid invenimus in proprio nostro fundo? impotentiam extremam cum vehementi repugnantia adversus bonum conjunctam, & violentissimam ad omne malum propensionem. Cum mali simus, malum bonum, & bonum malum reputamus: Necessarium est, ut gratia nos à nobis ipsis abstrahat, ut ad bene agendum impellat. Si tamen bona quædam agimus, quam pauca ea sunt? Atque etiam hæc pauca, quæ agimus, quantis imperfectinibus permista sunt? quanta socordia, quanta inconstantia, quanta intentionum vilitas, quorū hominum respectus, quantum proprij commodi studium non irreputant in actiones nostras etiam sanctissimas, quæ non raro bonum in malum converunt, ob modum, quo illæ fūnt? si igitur ipsæ nostræ virtutes, & opera bona humilita-

litatem nobis suadent , quid de vitijs , & Martius.  
peccatis nostris sentiendum ?

III. Si futura perpendamus , ingentem  
materiam nos submissè gerendi , & mag-  
num humilitatis motivum invenimus ?  
súmne prædestinatus ? súmne reprobatus ?  
consequárne salutem æternam , an ad in-  
fernali pænas condemnabor ? de hoc mihi  
non constat ; quantam nostri despicien-  
tiā hæc incertitudo inspirare nobis po-  
test ? id scio , me salutem æternam sine  
gratia perseverantiae non obtenturum.  
Sed prodolor ! hanc gratiam mereri non  
possum , nec eam , quod hinc sequitur ,  
mihi polliceri : nam qua renixus eandem  
mihi pollicear ? voluntate Dei ? ea mihi  
hac super re cognita non est ? quis cognovit  
*Rom. II.*  
*sensum Domini ? voluntate mea ; quæ tam*  
perversa , tam debilis , tam inconstans est ?  
bonis meis operibus ? Eheu ! opera ex-  
cellentissima hanc gratiam promereri non  
valent. Gratijs , quas accepi ? quis mi-  
hi asseverare potest , me ijs fidelem fore ?  
quis plures accepit gratias , quām Salo-  
mon ? probabilissimum tamen est , eum  
gratia perseverantiae fuisse destitutum :  
perfectione status mei ? estne is perfectior  
statu Iudæ ? socius & Apostolus Christi ,  
ejusdem virtutum & miraculorum testis ,

*v. 34.*

R 4

*pro-*

**Martius.**

ditor fit, & Apostata, moriturque despe-  
ratus. Si columnæ Firmamenti fuerunt  
eversæ, an nos, qui fragiles sumus arun-  
dines, trepidandi, nosque abiendi cau-  
fam non habemus?

*Statue, continuò te conservare in spiritu demis-  
sionis, & timoris coram Deo; cùm hoc sit uni-  
cum medium, securum te reddendi.*

**Humiliatio tua in medio tui.** Mich. 6.  
**v. 16.**

*Cogitas magnam fabricam construere  
Celsitudinis, de Fundamento priùs cogita  
humilitatis.* Aug. serm. 10. de v. D

## DIES XXV.

### De Annuntiatione BMÆ Virginis.

#### I.

**M**Ysterium Annuntiationis Mysterium  
est excellentiarum Mariæ, earun-  
démque origo; cùm in hoc Mysterio Ma-  
ter Dei renuntietur. Deus quantumvis  
Omnipotens sit, puram Creaturam ad sub-  
limiorem dignitatem evehere non potest.  
Potest, inquit sanctorum Patrum aliquis,  
facere Mundum excellentioremeo, quem

Crea-